

Oh! p'ou darrè cop, ou! l'astre-réy, tout réy qu'èro,
Diouèò lèou d'la l'haounou
D'èscayra nosto pràoubo bilo,
Ero, ta bouno et ta tranquillo,
Aous èslambrés d'un Cèou plén dé furou!

Oh! qu'éy dur dé pénsa qu'én yo soulo sérado
L'on pod pérde lous fruts dou travail dé l'annadol..
Tout èro bêt, risént, joyous,
Pértout féstis, pértout cànsous...
Las bignos, riches et poulidos,
Dé gaspos et dé gruss èron touts càongnidos;

Lous àouséréts pàouruts
Hugissèon lous bruts
Sur arbres touts houèilluts
Qu'estugeàont sous fruts.
La sàoutayro cascado
Poussao p'ous arrious,
En tout hè sous adious,
Une ayguétto argentado,

Qui d'aquiou s'én anao, à traouès millo flous,
Dins lou Gèrs, coumo àou rendé-bous
L'amourouso ba d'yo courrudo
Bése lou soun fringayre, à la néyt méy-cayjudo...

Pusqu'ènde tant dé gèns crusès un soul toumbèou,
Embaquès, toun arriou diougouq crèche bien lèou!..

Naturo, àou frount sènsè plég, sènsè rido,
B'èros bien poumpounado, et bien frésco, poulido,
Quand, fierro, dins tas mas, pourtaos pér loung-téns
Dé qué néouri las pràoubos gèns...

Lou frount, tout suzérènt, dambé las mas armados
Dé palos, dé palous, dé bécats, d'aguillados,

Aont ditjà p'ouss camps bien loung-téns travaillat,
L'arrélotge ditjà mey-jour ao sounat;
Anàoui damb'un pay dinna débat yo trillo...
Ah! qu'éy ta bêt aco lou répas én famillo!..
Et déguéns la piquétto un pan nègre trémpat
Ero pér touts nous àous un moss bien délicat;
Biouèon pràoubomént, counténts dé nosto chère,
Et n'aurén pas pér or cambiat nosto misèro...
Eron dins las maysous qu'ant bastit noster pays
Hurousis coumo réys... y biouèon én frays...
Et pénsaon qu'atàou finiré noster bito...
Mais sènsè s'annonça lou malhur bég dé suito.

L'auratge lou mès ratjous,
Capérad d'un crum négrous
Cargat d'un milè d'èscayres
Esparpillats p'ous ayres,

M'ous hè'stugea, lou sé, bien biste chez nous àous.
Counténs d'este à l'abric débat noster oustàous,
Oh! n'aurén pas pénsat qu'un àoute grand délutge
Béngoussou capéra noster pràoube réstutge...
N'ac àouren pas pénsat... Sabèon pas qué Dion
Bouloussou hè-yo ma d'un ta pétit arriou...
Quand, dins l'ayre, lou bént hè brouni lou tounerro,
Et parich, ét tout soul, boule énglachia la terro;
Dins la négrou dous crums, én passa, soun grand brut,
Jèto la pòou pér tout, tout trémolo, ey tout mut...
Et l'anjou dé la mort, àou malhur insensiblé,
Hézouq énténe atàou soun jutgeomént ténrible...
Oh! terrible, oui... terrible quand jutgeq,
Et mès terrible quand truqueq...

« Bas ploura, bilo d'Aouch, » ça digouq, « plouro, plouro!
« Tous hilloss bant mouri... bèllèou ba sounà l'houro...
« Lou Cèou nègre-roujous, én houèq, ba tout brulla...
« L'aygat tout amouri, néga, désarrouilla!.. »

Aquéro boutx, à péno s'éy carado,
Qué bésén la mort prèsto... aquiou touto quillado...